





BIBLIOTHÈQUE  
DE M. ROUX-ALPHERAN,  
A AIX.

15

1me







Spring  
water

Re

P

semi  
penn  
12

~~~~~

24  
1000

1000

1000


1000


1000

1000

1000

















STATVTS,  
REGLEMENTS,

ET POLICE POVR LA

Garde du Terroir de la Cité d'Aix,  
& Pays de Prouence, & augment  
des peines municipales.



A AIX.

Par ESTIENNE DAVID, Imprimeur du Roy,  
du Clergé, & de ladite Ville.

*Avec Privilège.*

THE NEWBERRY  
LIBRARY

**TENEVR DE LA CRIÉE.**

CASE

F

39

326

1634

**D**E par le Roy. Et par Ordonnance de Messieurs de la Souueraine Cour de Parlement du present Pays de Prouence, & suivant l'Arrest de ladite Cour sur ce donné: Sont faictes inhibitions & diffences à toutes personnes de ne contruenir aux Statuts & Reglemens faits concernant la garde du terroir de ladite Ville. fruiets, arbres, & bois estans en uelle, suivant les articles sur ce faits, sur les peines y contenues. Laquelle crieée a esté faicte par tous les Carrefours de ladite Cité d'Aix, à son de trois Trompes & cry public, suivant ledict Arrest, & ainsi le certifie je Greffier de ladite Maison Commune, sous signé.

**I. BORRILLI.**





REGLEMENT ET POLICE POUR  
la garde du Terroir de la Cité d Aix, & Pays  
de Prouence, & augment des peines municipi-  
pales, aux articles suiuaus, ban, & dommage  
donné aux fruiets.

**P**REMIEREMENT, Que toute  
personne entrant en la possession  
d'autrui, portant dommage à  
ladite possession, vignes, vergers,  
preds, semez, fruiets, & arbres d'icelle, paye-  
ra pour le ban de jour, six sols, outre le dom-  
mage donné, lequel le maistre de la proprie-  
té fera estimer.

*Execution par corps pour le payement dudit ban  
& dommage.*

2. Plus, Que ladite estime dudit dommage  
faite & intimée à celuy contre lequel l'esti-  
me sera faite, à faute de payer dans quin-  
ze jours apres, pourra celuy contre lequel  
ladite estime sera faite, estre contraint par

corps, tant pour le ban & dommage donné,  
que pour le double d'iceluy dommage.

*Que le Maistre & Seruiteur seront creus  
à leur serment.*

3. Plus, Que le Maistre de ladite propriété,  
& ses Seruiteurs, ayant trouué aucuns dans  
ses proprietéz luy portant dommage, sera  
creu à son serment, lequel prestera parde-  
uant le Viguiier, ou Consuls de ladite Ville,  
suiuant lequel ledit ban sera induict contre  
celuy qu'il affermera auoir trouué dans sa-  
dite possession, & contre lequel ladite estime  
sera faicte.

*Peine pour le ban donné de nuit.*

4. Plus, Que toute personne estant trou-  
uée dans la possession d'autrui, de nuit,  
portant dommage à icelle, fruiçts & arbres,  
payera pour ledit ban le double, & ledict  
dommage au quadruple de ce que sera esti-  
mé, comme dessus.

Et là où se trouueroit desrober lesdicts  
fruiçts, payera d'amende vingt-cinq liures,  
sans que telle amende puisse estre moderée,  
sauf pour la criminalité, le mettre en main  
de Iustice pour en faire la punition neces-

5  
faire, lequel le Maistre de la propriété pourra de son autorité constituer prisonnier, suivant le priuilege ancien.

*Ban de Bestail.*

2  
5 Plus, Que tout le bestail qui sera entré en la propriété d'autrui, portant dommage à icelle, & fructs, payera de ban six o's pour beste, quant aux Bœufs, Iuments, Aînes, & Mulets. Et quant au petit bestail, comme Brebis, & Cheures, payeront trois sols pour beste, outre le dommage qu'auront donné. Lequel estimé, que le Maistre dudit bestail soit tenu avec ledit ban, de payer dans quinze iours comme dessus, autrement pourra estre executé par corps, sauf à s'en preualoir tant pour ledit ban, que dommage payé, sur les gages du gardien dudit bestail, pour le remboursement duquel dommage & ban, fera mesmes executions contre le Seruiteur qui aura fait donner ledit dommage.

*Peine pour le dommage des Oliuiers*

6. Plus pour chascun Oliuier ieune de moins que de dix ans ou equiron, qui se trouuera auoir esté mangé par ledit bestail, le Maistre dudit bestail en payera quatre



florins, sauf ses regrez contre le gardien dudit bestail. Et quant aux autres qui passent plus que de dix ans ou enuiron, payeront vn teston pour arbre, le tout par mesmes contraintes.

*Peine pour le dommage des autres arbres  
fructiers*

7. Plus, Que pour chacun Amandrier, & autres arbres fructiers qui le treuuera auoir esté mangé & rongé, jeune de cinq ans en bas ou enuiron, sera payé par mesme forme que dessus, deux florins, & des autres plus aagez, six sols.

*Peine pour dommage des arbres non fructiers.*

8. Pour chacun Saulze, Piboule, & autres arbres non fructiers, jeunes de moins que de trois ans ou enuiron, payeront vn teston pour arbre par la mesme forme que dessus, & des autres plus aagez, trois sols.

*De n'escorcher les arbres.*

9. Et mesme peine sera induite contre ceux qui elcorcheront lesdits arbres.

*Nulle peine pour les escapades.*

10. Ausquels bans & dommages donnez, ne seront compris les dommages donnez

en allant le bestail le long des grand chemins Royaux, qu'on dit *Escapatoires*; pourueu qu'en allant le long deſdits chemins, l'on ne fiſt arreſter ledit beſtail; & par ce moyen porter dommage aux fruicts & arbres deſdites proprietéz, le long deſquels les gardiens les meneront le plus ſerré que faire ſe pourra, ſans abus.

*Prohibition de ne tenir beſtail dans les boles,  
fors aux Bouchers.*

11. Et à ce que ce puiſſe ſçauoir quel beſtail aura porté ledit dommage, eſt interdit à toutes perſonnes de quelque eſtat & qualité que ce ſoit, de ne tenir dans leſdites boles dudit terroir, aucun beſtail tant gros que menü; fors le gros beſtail neceſſaire pour leur labourage & negociation; qu'ils pourront faire depaiſtre par les terres, chemins, & preſ, à l'accouſtumée, ſans abus.

Meſmes eſt interdit à tous Trauailleurs, de ne mener aucuns Aſnes, ny autre beſtail gros ny menü; lors qu'ils vont au trauail, pour iceluy faire depaiſtre par les vignes & vergers dudit terroir, ſur leſdites peines, & de perdition dudit beſtail; lequel quant au

bestail menu, comme Brebis & Chevres, est audit cas dès à present adjudgé au profit du Boucher de la presente Ville, auquel sera à ces fins permis, le trouuant dans lescdites boles, le prendre & se l'approprier de son autorité. Et neantmoins luy sera permis d'interdire à tous Bouchers estrangers passans bestail par le terroir, ne le passer si n'est le long desdits chemins, sur lescdites peines, applicables audit Boucher, lequel bestail passant par le terroir, en baillant dommage à celuy, ledit Boucher pourra faire arrester & detenir iusques à ce qu'il luy aye payé le dommage donné.

*Le Boucher pourra faire depaistre dans les preys.*

12. Et à ce que ledit Boucher aye commodité pouuoir faire depaistre son bestail dans ledit terroir, luy sera permis faire iceluy depaistre par les restoubles & preys au temps qu'ont accoustumé les manger, en payant, quant aux preys, l'herbage d'iceux, suivant l'estime qui en sera prealablement faicte, sans porter dommage aux arbres qui pourront estre plantez. Tant ausdits preys que restoubles, à la mesme peine que dessus.



*Les Vignerons ne pourront porter aucun  
bois ny fouches.*

13. Sera aussi prohibé aux Vignerons, Tra-  
uailleurs, ne porter bois & fouches d'aman-  
driers, olliuiers secs, ny verds, ou autre bois  
priué, à peine de cent sols d'amende.

*De n'arracher aucun bois priué.*

14. Et semblablement sera prohibé & def-  
fendu à toutes personnes, femmes, enfans, &  
autres qui vont par le terroir, prendre, ny  
couper, ou arracher aucun bois vif ou mort,  
palissons, ou autre, aux possessions d'autrui,  
sur la mesme peine, & du foïet.

*De ne rapugar.*

15. Sera aussi interdit à toutes personnes  
aller rapugar Raisins, Oliues, ny Amandres,  
sans que soit permis parvne criée publique,  
sur ladite peine.

*Commandement aux Gardes des portes.*

16. Sera enjoint aux Gardes des portes de  
ladite Ville, ne laisser entrer dans icelle au-  
cuns Trauailleurs pertans bois, fouches, ou  
autre bois priué, ny moins aucunes femmes  
ny enfans, ayans rapugat aucuns fruiçts, que  
ladite criée n'ait esté faite, à peine de per-

dre leurs gages, & de ladite amande.

*Campiers.*

17. Plus, sera enjoint aux Consuls au temps que les fruiçts seront pendants aux vignes ; de mettre par le terroir des Gardes & Campiers, lesquels seront tenus respondre du dommage donné, si promptement ils ne saisissent ou gagent les malfaïcteurs, & ne pouuant saisir, le denoncent au vray au Maïstre de la propriété.

*Deffence de ne cueillir raisins verds.*

18. Est aussi interdit à toutes personnes ne cueillir aucuns raisins, ny autres fruiçts, auant leur maturité, pour les vendre, & mesme aux Pasticiers, & autres, ny les acheter, à peine de vingt-cinq liures, & du fouet.

*Les peres respondront de leurs enfans, & les maïstres de leurs seruiteurs.*

19. Plus, Que les peres respondront ausdits cas que dessus, de la faute de leurs enfans, les marys de leurs femmes, & les Maïstres de leurs Seruiteurs, sauf s'en preualoir sur leurs gages.

*Signé BONFILS Assesseur.*

L'an 1574. & le 8. jour du mois de Fe-  
 urier, la presente crieé, ensemble les articles  
 suiuaus, ont esté leus par moy A. Bompar  
 Vice-Greffier, en foy dequoy me suis soub-  
 signé.

B O M P A R.

*Conseil general tenu en l'année 1574.*

**A** Ssemblée dans la Maison Commune  
 de ladite Ville, le Conseil general vieil  
 & nouueau, & tout chef de maison, à son  
 de trompe & de cloche, à l'accoustumée :  
 En presence de Monsieur le Lieutenant  
 general, & de Noble Iean Papassaudy Vi-  
 guier, deuant eux Monsieur Maistre Ioseph  
 Bonfils, Assesseur.

N. Melchion Bordon, Consul.

N. André Bardelin.

N. Melchion Bardelin.

M. Olliuary.

M. de Chasteauneuf.

N. Honoré Chastillon.

M. Gabriel Augier.

M. Sauornin.

Balthazar Malbequi.

Iean Beaumont.



Jean Blegery.  
Jean Iulloux.  
Jean d'Escalis.  
M. Catrebards.  
Isnard Rastoin.  
Pierre Theric.  
M. Nicolas Borrilli.  
Antoine Arthaud.  
M. Pons d'Escalis.  
N. Jean Yfoard.  
N. Antoine Durand.  
N. François Bompar.  
N. Barthelemy Escosier.  
N. Joseph Durand Sr. de Fuveau.  
N. Joseph Cayssany.  
N. Honoré Cayssany.  
Claude Cabassol.  
Antoine Laugier.  
Nicolas Legrim.  
M. François lardy.  
N. Jean Fabry.  
N. Esprit Michaëlis.  
M. Romain Notaire.  
M. Reynaud Notaire.  
M. Jacques Sabatier.

- N. Guillaume Bruny.
- M. Iean Benoist.
- M. Philibert André.
- M. Grassi.
- M. Bertrandy.
- M. Dize.
- M. Iean Boucher.
- N. Iean Estienne Sieur de Saint Iean de la Sale.
- M. Vincens Constantin.
- N. Iean Bussan.
- N. Alexi Rambert.
- M. Honoré Bastety.
- M. Hierosme Charras.
- M. Brueys Notaire.
- N. de Ponteués.
- M. Iean de Peyruis.
- M. Beaufort.

Et autres estant en la grande Salle, iusques au Bureau de nos Greffiers, plain de populaire, & chefs de maison, assemblé ledict Conseil dans ladite Maison Commune, a deliberé & resolu ce que s'ensuit,

Et premierement ledit Sieur Assesseur a remonstré que pour mettre en la garde du

terroir, suivant la Deliberation du dernier Conseil, il a fait quelques articles, lesquels il voudroit faire autoriser par Messieurs de Parlement, si tel est leur bon plaisir. Et que avant les faire autoriser, seroit requis tels articles estre publiez au Conseil, pour scauoir si telle est l'opinion de tous que tels articles soient perpetuellement gardez, & que chacun se soumette aux peines y cōtenuës,

Lesquels articles apres auoir esté leus à haute & intelligible voix, par le Greffier, sans discrepance aucune, ont tous esté d'auis de garder & obseruer lesdits articles se soumettant chacun aux peines y contenuës. Et neantmoins que pour mieux les faire garder, ledit Conseil a requis lesdits Sieurs Assesseur & Consuls, de pourluiure pardeuant la Cour l'autorisation d'iceux, pour en apres estre enregistrez aux Archifs de la Maison Commune, pour estre perpetuellement gardez selon leur forme & teneur.

*Collationné à l'original par moy Ioseph  
Borriki Notaire Royal & Greffier de  
la Maison Commune, sous signé.*



EXTRAICT DES REGISTRES  
de Parlement.

2

**S**UR la Requête présentée par les Procureurs des  
Gens des trois Estats de ce Pays de Prouence,  
tendant afin de faire autoriser & esmologuer la  
Deliberation faicte par lesdits Estats, pour l'obser-  
uation du Reglement fait sur la garde du terroir,  
& arbres de cette ville d'Aix, & pour toute la  
Prouence. Veu ledit Reglement de la Deliberation  
faicte par lesdits Gens des trois Estats, du vingt-  
septième Feurier dernier. Ladite Requête du der-  
nier Mars passé. Responce au bas d'icelle, n'empef-  
chant l'autorisation requise. Autre Requête  
à mesmes fins: Tous considéré.

**DICT A ESTE**, Que la Cour a autho-  
risé & esmologué ledit Reglement pour estre gardé  
& observé par toute la Prouence suivant sa forme  
& teneur, & à ces fins sera enregistré ez Registres  
du Greffe de ladite Cour, & enuoyé par les Sieges.  
Publié à la Barre du Parlement de Prouence seant  
à Aix, le septième Avril mil six cens & vn.

Collation est faicte.

Signé **ESTIENNE**.

---

*Extrait des Registres de Parlement.*

---

**S**VR la Requête présentée par Estienne David Imprimeur du Roy & de cette Ville d'Aix, tendante afin pour les causes y contenues, qu'il luy fust permis d'imprimer les Statuts & Vſages concernant la Police & declaration des peines municipales, avec inhibitions & deffences à tous autres Imprimeurs, Libraires, & autres, de les imprimer, ou faire imprimer, ny contrefaire, à peine de mil liures, & autre arbitraire. Veu ladite Requête du 13. May dernier. Autre Requête à mesmes fins. Conclusions du Procureur general du Roy. Tout considéré.

**DICT A ESTE'**, Que la Cour ayant esgard à ladite Requête, a permis & permet audit David d'imprimer durant dix ans, à commencer du jour que l'impression sera acheuée, lesdits Statuts & Vſages concernant la Police & declaration des peines municipales. Faict inhibitions & deffences à tous autres Imprimeurs, Libraires, & autres, de les imprimer, ou faire imprimer, contrefaire, vendre, ny debiter durant ledit temps, sans l'expres consentement dudit David, à peine de mil liures, & autre arbitraire : Et sera l'extrait du present Arrest inseré à la fin ou au commencement desdits Liures. Faict à Aix en Parlement, le 28. Auril 1634.

*Collation est faicte.*

Signé, **ESTIENNE.**

---

*Acheué d'imprimer le 29. Auril 1634.*